


KOMMUNE QEQERTALIK



TAPIISARNERMUT ILEQQOREQQUSAQ

Kalaallisut

2019

§ 1: Siunertaq:

- Peqatigiiffiit tamaasa aamma kulturikkut aaqqissuussat angalanermut aningaasartuutitut tapiissuteqarfiginerisigut aamma ininik attartornermut silamilu ingerlatsinerit tapersersornissaat.
- Kommune Qeqertalimmi najukkami kulturikkut aaqqissuussat tapersersussallugit
- Atuartut folkehøjskolinerminni akiliisarnerinut tapiissuteqarnikkut tapersersussallugit

§ 2: Inatsisit tunngavigineqartut:

- Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 15, 6. juni 2016-imeersoq
- Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq
- Folkehøjskolit pillugit Inatsisartut inatsisaat nr. 24, 18. november 2010-meersoq

§ 3: Peqatigiiffimmut Suleqatigiinnut (komite) Inuinnaallu qinnuteqarnerini piumasqaatit:

Imm.1: Piorsarsimassutsikkut ingerlatsineq sunngiffimmilu sammisassaqtitsineq pillugit Inatsisartutlov nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinut init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq naapertorlugu anguniagassaasut allassimasut peqatigiiffiup naammassisimassavai.

Imm.2: Pilersitsinertalimmik ataatsimeersuartitsoqareersimassaaq.

Imm.3: Peqatigiiffiup Suleqatigiillu – Komite ileqqoreqqusaani aalajangersakkat naapertorlugit ataatsimeersuartoqassaaq.

Imm.4: Ileqqoreqqusaaq naapertorlugu siulersuisuni ilaasortassanik qinersinerit ingerlanneqassapput.

Imm.5: Peqatigiiffik, suleqatigiit – Komite qinnuteqartorlu kinaluunniit Kommune Qeqertalimmi najugaqassaaq.

Imm.6: Ukiut tamaasa 30.april nallertinnagu naatsorsuutit kommunimut tunniunneqartassapput najukkami sunngiffimmi pisortamut imaluunniit sunngiffimmi aqutsisumut.

Imm.7: Ilaasortat amerlassusaat, ilaasortaanermut akiliutissaaq, pigisat aningaasallu uninngasuutit naatsorsuutini allassimassapput. Uani Suleqatigiit – komite inuinnaallu qinnuteqarsimasut pineqanngillat.

Imm.8: Ataatsimeersuarnermi kukkunerisuiussatut toqqarneqartumit naatsorsuutit kukkunerisiorneqassapput.

Imm.9: Ukiup tullissaanut sammisassanut pilersaarut najukkami sunngiffimmi pisortamut /sunngiffimmi aqutsisumut kingusinnerpaamik sapinngisamik 31.1. nassiunneqarsimassaaq.

Imm.10: Angalanernut tapiissuteqartarnek, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissutit tunniunneqassapput, soorlu makkuusunik, VHF raatiu, GPS, annanniutit atisartakkat ilaasunut tamanut aamma umiatsiaq/pullattagaq aquuterallalik.

§ 4: Taperneqarnissamut qinnuteqaatit piumasqaatitai:

- **Qinnuteqarnermi immersugassaq: ”Kommune Qeqertalimmit tapiiffigineqarnissamut qinnuteqaat”.**

Imm.1: Qinnuteqarnermi siunertaq qinnuteqaatigineqartoq pillugu paasissutissanik aamma aningaasat tapiissutigineqartussatut qinnutigineqartut amerlassusiinik imaqartinneqassaaq

Imm.2: Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput. Erinarsornermik Nipilersornermik suliaqartunut una piumasqaat atuutinngilaq.

Imm.3: Peqatigiiffiit peqatigiiffinnik allanik suleqateqarlutik angalatitsinissatik eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput

Imm. 4: Suliamik suliarinninnissaq eqqarsaatigalugu tapiissutit tunniunneqarsinnaanerit ullunik arfineq-marlunnik sioqqullugu najukkami sunngiffimmut pisortamut qinnuteqaat nassiunneqassaaq. Qinnuteqarnissamut piffissaliussa q malinneqanngippat peqatigiiffik qinnuteqaamminik itigartitaasinnaavoq

§ 5: Tapiissutinik atuisimanermut uppernarsaatit:

Imm.1: Kommune Qeqertalimmut naatsorsuutit tunniunneqareersimassapput, sammisaqartitsinerup kingorna kingusinnerpaamik qaammat ataaseq qaangiutsinnagu

Imm.2: Tapiiffigineqarnissamut qinnuteqaammi anguniakkatut allassimasut naapertorlugit tapiissutit tamarmiusut imaluunniit ilaannakortumik atorneqarsimassanngikkunik tapiissutit atunngitsuukkat Kommune Qeqertalimmut utertinneqassapput

Imm.3: Atunngitsuukkat utertinneqanngippata nutaamik qinnuteqaasiornermi itigartitsisoqassaaq atunngitsuukkat peqatigiiffimmiit Kommune Qeqertalimmut utertinissaata tungaanut

§ 6: Aningaasaliissutit killingi:

Imm.1: Kommunalbestyrelsip missingersuutit suliarineqarnerini ukiumoortumik aningaasat tapiissutissat amerlassusaat aalajangersartassavai

Imm.2: Kommunemi inoqarfinni arfineq pingasuusuni inuit najugallit amerlassusaat malillugit tapiissutit amerlassusilersorneqartassapput aamma agguarneqartassapput.

Imm.3: Peqatigiiffiup suleqatigiiffiulluunniit (Komite) aallartisarnernut 1.000 koruunit tungaanut tapiissuteqartoqarsinnaavoq.

Imm.4: Peqatigiiffik pisortatigoortumik nuna tamakkerlugu unammersuarnermik aaqqissuisoq 40.000 koruunit tikillugit tapiiffiqarsinnaavoq, taakku ullormusiaqartitsinermut imaluunniit inunnut ajunngitsorsiassatut atorineqarsinnaanngillat. Holdit ataatsimik amerlanerusunik peqataatitaqassagunik – arnat angutillu taava 60.000,-kr tungaanut tapiisoqarsinnaavoq. Tapiissutit atornerinut nassuiaat, aaqqissuussinerup ingerlanneqarnerata kingorna kingusinnerpaamik qaammatip ataatsip qaanngiunnerani nassiunneqassaaq. TIMI TARNIMILU sullissivik tapiissutaasut utertinneqarnissaannik piumasaqarsinnaavoq, tapiissutinik atornerluisoqarsimappat.

Imm.5: Aaqqissuussat pereersut tapiissuteqarfigineqarsinnaanngillat.

Imm.6: Peqatigiiffiit Kommune Qeqertalimmut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7: Timersornermik siunertallit tapiissuteqarfigineqartarneri:

Imm.1: Iligiinnut ataatsinut (pr. hold) angalanermut aningaasartuutitut tapiissuteqartoqarsinnaavoq, makkunani peqataasussanut:

- 60 %-mik angalanermut aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanilu pissartanngorniunnissamut anngunniunnernut aamma ajugaanniutivinnernut, matumani Kalaallit Nunaanni Arsaattartut Kattuffiata meeqqanut Cup-imik unammiaaartitsineri ilanngullugit (Ilanngussaq 1)
- Inoqarfiit 1500 inorlugit inulinni Kalaallit Nunaanni Timersoqatigiiffiit Kattuffiata aaqqissortagaannut peqataanermut tunngatillugu angalanernut 80% angullugit tapiisoqarsinnaassasoq.
- Pisortatigoortuunngitsumik GM-imi anngunnerni Old Boys aamma Old Girls (utoqqasaat) peqataanerini angalanerini aningaasartuutitut 50%-mik tapiisoqarsinnaavoq
- Nunani avannarlerni meeqqanut inuusuttuaqqanullu 18-it inorlugit ukiulinnut ukiumut angalaneq ataaseq timersoqatigiiffimmut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarneq, tamatumani hold-inut arlariinnut unammisoqassalluni. Nunanut allanut angalalluni sungiusariarnernut tapiissuteqartoqarneq ajorpoq

- Peqataasut Kommune Qeqertalimmi najugaqassapput.

Imm.2: Kommune Qeqertalimmi pissartanngorniunnerni hold-i ataaseq annerpaamik 50% -mik angalanermut taperneqarsinnaavoq.

Imm.3: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atortunik attartornermut, ukiumoortumik Fodboldskolemut aamma Håndboldskole-mut ilinniartitsinernilu taakkunani atortunut, aningaasartuutit tamarmiusut 100 %-mik matussuserneqartassapput.

Imm. 3.1: Utoqqaat innarluutillillu suliunnaarnersiutillillu timersortarfimmik atuineranni aningaasartuutit tamarmiusut 100%-mik matussuserneqartassapput.

Imm.4: Kommunep timersortarfiutaani illup iluani silamilu inuusuttut 18-it sinnerlugit ukiullit timersornermik anguniagallit, sammisaqartinneqarnerini atortunik attartornermut aningaasartuutit ukiumoortumik akuerineqartut malillugit “Kommunemi Akigitat” atorlugit matussuserneqartassapput.

Imm.5: Nammineq pigisumi Aasianni inuusuttut 18-it sinnerlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 90 %-ii matussuserneqartassapput.

Imm. 6: Ukioq timersorfiusoq tamakkerlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq timersorfiusoq septemberimiit maj/junimut sungiusaasutut ingerlatsisimanermut uppernarsaat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq

Imm. 7: AWG-imi, Inuit Games-ini aamma Island Games-ini peqataanermi, Kommune Qeqertalimmi najugaqartumut Nuna tamakkerlugu holdikkaarluni unamminermi peqataasumut ataatsimut kaasarfimmiunik 1.000,- kr.-inik tapiissuteqartoqarsinnaavoq.

Imm. 8: ”Ukiup Timersullammaatut nersornaasiineq” annerpaamik 3.000,- kr.-nik aningaasartaqartassaaq timersornerullu iluani nersornaasiinernut allanut inummumut ataatsimut inoqarfinnilu tamani nunaqarfiit ilanngullugit nersornaasiinerit annerpaamik 1.000,- kr.-nik aningaasartaqartassapput. ”Ukiup Timersullammaatut” allatigullu timersornerup tungaatigut nersornaaserneqartut toqqarneqassapput komitémit (ataatsimiititaliaq) makkunannga inuttaqartinneqartumit, sunngiffimmi susassaqartitsiniarnermi pisortaq, illoqarfinni nunaqarfinnilu tamani timersoqatigiiffinnit sinniisut. Nersornaasiineq imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarnermi ingerlanneqartassapput.

Imm. 9: **Inuup peqqinnerunissaanut tunngassuteqartunut aaqqissuussinernut soorlu:** Aasiaat Midnight Sun Marathon-mut Kulunnguaq Løbe-mut 15.000,-nik aningaasartuutigiumagaannut ingerlatsinermut tunngatillugu ajugaasut pissarsiassaannut tapiissuteqartoqartassaaq.

§ 8: Kulturikkut aaqqissuussat tapiissuteqarfigineqartarneri:

Imm.1: Peqatigiiffiit § 3-mi piumasagaatinik naammassinnittut angalanerisa aningaasartuutaannut 50 % -mik tapiissuteqartoqarsinnaavoq aamma Kommune Qeqertalimmi sumiiffinni makkunangga aaqqissuusinerit:

1. Innuttaasunik paasititsiniaaneq, soorlu assersuutigalugu kulturi timersornerlu pillugit paasititsiniaanerit
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit
3. Najukkami peqatigiiffiit ataatsimoorussamik siunertallit
4. Isiginnaartitsinerit, erinarsornerit aamma nipilersornerit
5. Filmertitsinerit aamma videortitsinerit

Imm.2: Angalanerit aningaasartuutaasa affai tapiissuteqarfigineqarsinnaapput – taamaattoq Kommune Qeqertalimmi nipilersortartut erinarsortartullu Kommune Qeqertaliup avataani kulturip ineriartortinneqarneranik suliaqarnermik ilaqassappata amerlanerpaamik 15.000 koruunit angullugit siumut utimullu angalanissanut tapiisoqarsinnaalluni.

Imm. 3: “Kulturikkut nersornaammik” Inuiattut ullorsiornermi ulloq 21.6. tunniunneqartartussami nersorinnissut annerpaamik 3.000,- kr. aningaasartaqartassaaq illoqarfinni nunaqarfinnilu tamani (immikkut tamarmik). ”Ukiumi Kulturikkut nersornaammik” nersornaaserneqartut toqqarneqassapput komitémit makkunangga inuttaqartinneqartumit, sunngiffimmi susasaqartitsiniarnermi pisortaq, illoqarfinni nunaqarfinnilu tamani kulturikkut peqatigiiffinnit tamanit sinniisunit

Imm. 4: Angalanernut aningaasartuutitut annerpaamik 60 % angullugit Qimussimik Kalaallit Nunaanni pissartanngorniunnermut, tapiissutigineqarsinnaapput taassumalu nunaqarfinut tapiissutit ukiumoortumik Kulturikkut siunertalinnut.

Imm. 5: Nipilersornikkut aaqqissuussat annertuut ingerlanneqarnissaanut 75.000,- tikillugu tapiissuteqartoqartassaaq. Tamannali aatsaat pisinnaavoq tapiisarnermut ileqqoreqqusami piumasagaatit naammassineqarsimappata, soorlu aningaasartuutit kukkunersiorneqarsimasut piffissaq eqqorlugu tunniunneqarsimappata.

§ 9: Folkehøjskolernernut tapiissuteqartarneq:

Imm.1: Folkehøjskolit pillugit Inatsisartut inatsisaat nr. 24, 18. november 2010-meersumi § 20 imk. 3-mi allassimasut naapertorlugit ilinniartup akiliutissaanut inassuteqaat 25 %-iusoq ilinniartumit namminermit akilerneqartassaaq aamma ilinniartup kommunianit 75 %-it akilerneqartassapput, ulloq 04.00.2016-imi akigitat naapertorlugit sapaatip-akunneranut 270,- koruuniupput.

Imm.2: Kalaallit Nunaanni Folkehøjskolernermi tapiissutitut qinnuteqaatit najukkami sunngiffimmi pisortamit imaluunniit sunngiffimmi aqutsisumit akuerineqartassapput.

Imm.3: Kommune Qeqertalik Kalaallit Nunaata avataani folkehøjskolerniartunut imaluunniit Idrætshøjskolenut tapiissuteqarneq ajorpoq.

Imm.4: Kommune Qeqertalimmi oqaatsit pillugit ilisimatusarnernut, paasisassarsiorluni angalanernut, EF-imi oqaatsinik ilinniarniarluni angalanernut, AFS-ernernut il.il. angalanissamut aningaasartuutissaannut 30% tikillugu tapiissuteqartoqarsinnaavoq.


§ 10: Akuersisinnaatitaasut:

Imm.1: Qinnuteqaammi aningaasat assigiinngitsunik annertussuseqartut Kommunemut aningaasaliissutigineqarsimasut iluini najukkami Timi Tarnimi sunngiffimmi pisortamut illoqarfimmilu aqutsisumut kiisalu inoqarfimmi aqutsisooqatigiittuni aalajangigassangortillugit ingerlanneqartassapput.

Imm. 2: Sunngiffimmi pisortap aqutsisulluunniit pisortat ingerlatsinerat pillugu paasitineqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 3: Qulaani aalangersakkat Kommune Qeqertalimmi kommunalbestyrelsimut naammagittaalliutigineqarsinnaapput.


Timi Tarnilu ataatsimiititaliamit ulloq 05.04.2019 akuerineqarput



Kristian Jeremiassen

Timi Tarnilu-mi Siulittaasoq

Kommune Qeqertalik-mi Kommunalbestyrelsimit akuerineqarpoq ulloq 30.04.2019



Ane Hansen

BorgmesterTAPILIUSSAQ: Kalaallit Nunaanni Timersoqartigiiffiit Kattuffiata ataani Kalaallit Nunaanni pissartanngorniuttarnerit